

**Paasissutissat suliffeqarfiit kattunnerannik nalinginnaasumik  
nalunaaruteqarnermi atugassat**

**1. Kattunnermik allaaserinnineq**

**1.1.** Inatsisartut inatsisaanni nr. 1, 15. maj 2014-imeersumi § 16, imm. 1-3 naapertorlugu kikkut kattunnersut, kattunnerup suunera kattuttullu ingerlatsiveqarfii allallugit kattunneq naatsumik allaaseriuk. Aamma niuerfinnut sorlernut kattunnerup sunniuteqarnissaa paasissutissiissutigiuq.

**1.2.** Paasissutissat qulaaniittut pillugit avammut saqqummiunneqarsinnaanngorlugit oqaatsit annerpaamik 500-t atorlugit takussutissiigut, taakku paasissutissat isertuussat niuermilunniit isertuussat ilanngunnagit. Allaaserinnineq taanna Atuisoqarnermut Unammilleqatigiinnermullu Aqutsisoqarfiup piffissami nalunaaruteqarfiusumi kattunnermik avammut saqqummiussineranut aallaaviusaaq.

**2. Peqataasut pillugit paasissutissat**

**2.1.** Nalunaaruteqartut pillugit paasissutissat

Peqataasoq(ut) nalunaaruteqartoq(tut) pillugu(it) paasissutissiineq:

- a) Suliffeqarfiup aqqa najugaalu.
- b) Suliffeqarfiup ingerlatai suunersut (tassa tunisassiat sullissinerillunniit ataatsimoortut suliffeqarfiup pilersitai, pisiarisai tuniniagaaluunniit). Aamma suliaqarfiit kattunnermi ilaanngitsut paasissutissiissutigineqassapput.
- c) Inuup attaveqarfiup aqqa atorfiалу, najugaa, oqarasuaatikkut normua e-mailialu
- d) Najugaq allagaatinik uppenarsaatilik nassitsiviusinnaasoq, tassunga ilanngullugit aalajangiinerit aamma Unammilleqatigiinnermut Ataatsimiititaliap aamma Atuisoqarnermut Unammilleqatigiinnermullu Aqutsisoqarfiup aalajangiineri.

**2.2.** Kattunnermi peqataasut allat pillugit paasissutissat

Nalunaaruteqartup saniatigut kattunnermi peqataasut allat ataasiakkaat pillugit paasissutissiissutigineqartut:

- a) Suliffeqarfiup aqqa najugaalu.
- b) Kattunnermi peqataasut ingerlataat.
- c) Inuup attaveqarfiusartup aqqa atorfiалу, najugaa, oqarasuaatikkut normua e-mailialu

**2.3.** Sinniisut pillugit paasissutissat

Nalunaarut suliffeqarfiit sinniisunit atsiorneqarpat, kattunnermi peqataasoq sorleq taassuma sinniisuuffigineraa ilanngullugu sinniisut ataasiakkaat aqqi, najugaat, oqarasuaatikkut normui e-maililu ilisimatitsissutigineqassapput.

**3. Unammilleqatigiinnermut oqartussanut allanut nalunaarut**

Kattunneq unammilleqatigiinnermut oqartussanut allanut nalunaarutigineqarpat nalunaarutigineqartussaappalluunniit, unammilleqatigiinnermi oqartussat aqqi immaqalu inuk attaveqarfissaq allallugit ilisimatitsissutigineqassapput.

**4. Kattunneq nammineq pillugu paasissutissat**

**4.1.** Kattunneq uku allallugit nalunaarutigiuk:

- a) Suliffeqarfiit marluk arlallilluunniit maannamut nammineertut kattullugit, suliffeqarfimmik ataatsimik arlallinnilluunniit tamanik ilaannilluunniit toqqaannartumik toqqaannangitsumilluunniit oqartussaalerluni pisilluni, joint venturetut nammineerluni ingerlasumik pilersitsilluni kattunnerunersoq imaluunniit kattunneq unammilleqatigiinneq pillugu inatsimmi § 16, imm. 3 naapertorlugu suliffeqarfimmi ingerlatsinermi aalajangiisuulluni sunniuteqarnermik allatigut kinguneqassanersoq.
- b) Pisussat pingaaruteqartut kattunnerup piviusunngortinnissaanut kinguneqartussat pilersaarutigineqartut piffissalluunniit ilimagineqartut.
- c) Kattunnerup kingorna piginnittuunermi oqartussaannermilu pissutit pilersaarutigineqartut.
- d) Kattunnerup nalinga (pisermermi aki imaluunniit peqataasut tamarmik ingerlatsinerisa nalingi).
- e) Inuussutissarsiutit immikkoortuinut ilisarnaat sorleq ( ilisarnaatit GB200(0 imaluunniit 3)) kattunnermi pineqarnersoq.

**4.2.** Kattunnermi aningaasaqarnermi tunngavik ilisimatitsissutigiuk.

**5 Aningaasaqarneq pillugu paasissutissat**

Suliffeqarfiit peqataasut ataasiakkaat pillugit ukiumi naatsorsuusiorfiusumi kingulermi DKK-nngorlugit ilisimatitsissutigikkitt:

- a) Kalaallit Nunaanni kaaviiartitat.
- b) Nunarsuarmi tamarmi kaaviiartitat.

**6 Piginnittuunermi oqartussaasuunermilu pissutsit**

**6.1.** Kattunnermi peqataasut tamarmik suliffeqarfimmi ataatsimiittunik allattuivimmi nalunaarutigineqassapput. Allattuivimmi tassani ilanngunneqassapput:

- a) Suliffeqarfiit inuilluunniit tamarmik kattunnermi peqataasunut toqqaannartumik toqqaannangitsumilluunniit oqartussaasut.
- b) Suliffeqarfiit tamarmik, niuerfinni immikkoortuni 7.1-imi aamma 7.2-mi ataaniit paasissutissiissutigineqartut ilaanni ataatsimi ingerlatsisut aammalu toqqaannartumik toqqaannangitsumilluunniit ukuninnga oqartussaaffigineqartut:

- 1) Kattunnermi peqataasumit ataatsimit arlalinnilluunniit.
- 2) Suliffeqarfinit allanit litra a-mi taaneqartunit.

Suliffeqarfiit ataasiakkaat qulaani allassimasut pillugit oqartussaanerit qanoq ittut pineqarnersut immikkoortualunngorlugit nalunaarutigineqassapput.

**6.2.** Kattunnermi peqataasut aamma suliffeqarfiit inuilluunniit immikkoortuni 6.1 a-mi b-milu allaqqasut immikkut tamaasa pillugit nalunaarutigineqassapput:

- a) Suliffeqarfiit allat tamaasa niuerfimmi ataatsimi arlalinniluunniit ingerlatsisut ataani immikkoortuni 7.1-imi 7.2-milu ilisimatitsissutigineqartut suliffeqarfissuarmilu suliffeqarfik inuilluunniit kisimiillutik ataatsimulluunniit aktiaateqartut imaluunniit pappiaqqanik nalilinnik allanik pigisaqartut taasisinnaatitaanerit minnerpaamik 10 procentiannik pigisaqartut pillugit allattuivik.
- b) Suliffeqarfiit ataasiakkaat pisortaqarfimmi siulersuisuniluunniit ilaasortaataat aamma suliffeqarfimmi allami niuerfimmi ataani 7.1-imi 7.2-milu ilisimatitsissutigineqartuni ataatsimi arlalinniluunniit ingerlatsisumi pisortanut ilaasut siulersuisuniluunniit ilaasortat pillugit allattuivik. Pisuni ataasiakkaani suliffeqarfiup allap aqqa sorlermilu ilaasortaaneq kiisalu inuup ilaasortaaffeqartup aqqa atorfialu ilisimatitsissutigineqassaaq.
- c) Suliffeqarfissuit qulaani taaneqartut (immikkoortoq 6.1) suliffeqarfinnik niuerfimmi ataatsimi arlalinniluunniit immikkoortoq 7.1-imi 7.2-milu ilisimatitsissutigineqartuni suliffeqarfinnik ukiuni pingasuni kingullerni pisisimanersut annertunerusumik ilisimatitsissutit.

## 7 Niuerfiit

Tunisassianik niuerfik niuerfiilluunniit pineqartut aamma nunap ilaani niuerfimmi niuerfiniluunniit pineqartut suliffeqarfiup nutaap kattunnerup kingorna niuernermit qanoq annertutigisumik ingerlatsineranik nalilersuinermit tunngaviliisut.

Niuerfinnik killiliineq unammileqatigiinneq pillugu inatsimmi § 5-imi allaqqapput. Niuerfiit pineqartut pillugit paasissutissat nassuiaatit uku tunngavigalugit nalunaaruteqartumit paasissutissiissutigineqassapput:

### *Tunisassianik niuerfiit pineqartut*

Tunisassianik niuerfiit pineqartut imatut paasineqassapput nioqqutissanik aamma/imaluunniit sullissutinik pisinnaasaat, akiit sumullu atorneqarsinnaaneri pissutigalugit imminnut taarsiunneqarsinnaasutut atuisumit isigineqartut. Tunisassianik niuerfimmi pineqartumi ilaatigut nioqqutissat aamma/imaluunniit sullississutit arlaliusinnaapput namminneq teknikkikkulluunniit pisinnaasaat annertuumik assigiittut imminnullu taarsiunneqarsinnaasut. Pissutsit ilaat tunisassianik niuerfimmik pineqartumik nalilersuinermit pingaaruteqartoq tassaavoq, nioqqutissap sullississutilluunniit pineqartup assersuutigalugu imminnut

taarsiunneqarsinnaanerat, unammillernermit atugassaritinneqartut, akit, nioqqutissanik sullississutinilluunniit ujartuinnermi akiisa allanngorarsinnaassusiat pissutsilluunniit allat tunisassianik niuerfimmik killilersuinnermut pingaaruteqartut (assersuutigalugu neqeroorutigisat imminnut taarsiunneqarsinnaassusiat isiginiarlugu sooq niuerfimmut tassunga tunngatinneqarsinnaanerannik allallu tassunga sooq tunngatinneqarsinnaannginnerannik nalilersuineq).

### *Nunap ilaani niuerfiit pineqartut*

Nunap ilaani niuerfiit imatut paasineqassapput sumiiffiit suliffeqarfiit peqataasut nioqqutissanik sullississutinillu pineqartunik neqerooruteqarfigisaat ujartuiffigisaallu, tassani unammilleqatigiinnermi atugassaritinneqartut naammattumik assigiiaarlutik aammalu pingaartumik nunap ilaani killilikkami unammilleqatigiinnermi atugassaritinneqartut annertuumik assigiinnginnerat pissutigalugu tassanngaanniit immikkoortinneqarsinnaalluni. Pissutsit niuerfimmik pineqartumik nalilersuinnermut pingaaruteqartut tassaapput nioqqutissap sullississutinilluunniit pineqartup suunera pisinnaasaalu, ingerlataqarnissamut aporfiit, atuisut piumanerusaat, suliffeqarfiit tassani nunalluunniit ilaani saniliani niuernermit tamarmiusumit niuerutaasa annertuumik assigiinnginnerat akilluunniit annertuumik assigiinnginnerat.

### *Niuerfiit sunnerneqartut*

Nunap ilaani niuerfimmik pineqartumi tunisassianik niuerfiit pineqartut imatut pisoqaraangat niuerfimmik sunnerneqartutut isigineqartarput

- a) Kattunnermi peqataasut marluk arlallilluunniit tunisassianik niuerfimmik pineqartumi ataatsimi ingerlataqarput, kattunnerlu sumiiffimmi niuernerup tamarmiusup katillugit 15 procentianik niuertarput (sanileriissillugit assigiittunut tunngasut), aamma/imaluunniit
- b) Kattunnermi peqataasoq ataaseq arlallilluunniit taakku akornanni pilersuisutut/pisisartutut imminnut atassuteqarnerat apeqqutaatinnagu (qummut killileriigaanngitsut) tunisassianik niuerfimmik kattunnermi peqataasup ataatsip arlallilluunniit ingerlatsivigisaannut immikkullu tamarmik ataatsimulluunniit niuerfimmik niuernermit tamarmiusumut minnerpaamik 25 procentinik niuerfigisartagaannut tunngatillugu tunisassianik niuernermit kaaviiartitsinnermi siusinnerusukkut kingusinnerusukkulluunniit ingerlatsisut.

### *Niuerfiit allat kattunnermi malunnartumik sunnerneqartut*

Kattunneq aamma niuerfiit sunnerneqartut saniatigut tunisassianik niuerfimmik aamma nunap ilaani niuerfimmik malunnaatilimmik sunniuteqarsinnaavoq. Tamanna assersuutigalugu ima pisinnaavoq

## Ilanngusaaq 1

- a) Kattunnermi ilaasoq ataaseq niuernermit tamarmiusumut sanilliullugu 25 procentit sinnerlugit niuertarput kattunnermilu peqataasoq alla niuerfimmi tassani unammillertinngorsinnaalluni<sup>1</sup> aamma/imaluunniit,
- b) kattunnermi peqataasoq ataaseq tunisassianik niuerfimmi kattunnermi peqataasup allap ingerlatsiffigisaanut assingusumik ingerlatsiffigisaani tunisassianik niuerfimiippoq aammalu niuernermit tamarmiusumut sanilliullugu immikkut ataatsikkulluunniit minnerpaami 25 procentinik niuertarlutik,
- c) Kattunnermi peqataasoqataasoq ataaseq niuerfimmi ingerlatsinissamik pilersaaruteqaraangat ukiulluunniit kingulliit marluk taamatut pilersaaruteqarsimagaangat<sup>2</sup> pilersaarutillu taakku malikkaangagit pingaartumik unammillertaalersinnaasutut isigineqassaaq.

7.1. Niuerfiit sunnerneqartut tamaasa ilisimatitsissutigikkitt.<sup>3</sup>

7.2. Niuerfiit allat tamaasa kattunnerup malunnartumik sunniiffigisassai ilisimatitsissutigikkitt.

### 8. Niuerfiit pillugit paasissutissat

8.1. Niuerfiit immikkut tamaasa qulaani immikkoortuni 7.1-imi 7.2-milu paasissutissiissutigineqartut pillugit ukiuni kingullerni pingasuni ukiumoortumik naatsorsuutinit uku paasissutissiissutigineqassapput:

- a) Nalingi annertussusaalu taakku qanoq missingerneqarsimanerat ilanngullugu niuerfimmi katillugit kaaviiartitanik missingiineq, taakku qanoq missingiilluni nalilerneqarsinnaanerannut upparnarsaat ilanngullugu.
- b) Kattunnermi peqataasut kaaviiartitaasa nalingi annertussusaallu uuttorlugit kiisalu niuerfiup ilaa tigummisaannik missingiineq.
- c) Unammillertit anginerit pingasut tuniniaaviup ilaani tigummisaannik nalinginik annertussusaannillu missingiineq, taakkuninnga missingiinermit tunngavik paasissutissiissutigalugu. Taamaaliortoqarsinnaappat unammillertit taakku aqqi, najugaat, e-mailii, oqarasuaatikkut normui inuillu attaveqarfissat ilisimatitsissutigikkitt.
- d) Nioqqutissanik eqqussaasinnaasunik tunineranni nalingi annertussusaallu atorlugit

<sup>1</sup> Kattunnermi peqataasoq ataaseq niuernermit tamarmiusumut sanilliullugu 25 procentit sinnerlugit niuertarpoq, kattunnermilu peqataasoq ataaseq niuerfimmi tassani annertuumik piginnittuusinnaatitaalluni aamma/imaluunniit.

<sup>2</sup> Tunisassianik niuerfiit niuerfittut assigiingajassapput tunisassiat imminnut tapersersinnaappata, tassa assersuutigalugu tunisassiaq ataaseq tunisassiap allap atorneqarnissaanik kinguneqarpat (assersuutigalugu kakkarsaat kakkarsaatissallu imaluunniit printeri printerpatronillu) imaluunniit tunisassianut atorfissaannut assigiimmut pisisartunit assigiinnit pissarsiarineqartarpata (assersuutigalugu whisky ginilu, imerniartarfinnut neriniartarfinnullu tunineqartartut imaluunniit nioqqutissanik aalajangersimasunik taakkuninnga tunisassiarartunut tunineqartartunut poortuutissanut atortut assigiinngitsut.)

<sup>3</sup> Nunami sumiiffinni niuerfintut ilisimatitsissutit tunniunneqqassapput, kisiannili Kalaallit Nunaannut tunniunneqartunit ikinnerungitsunik.

missingiineq. Paasissutissiissutigikkit:

- 1) Kattunnermi peqataasut nioqqutissat nammineq eqqussaat eqqussanut tamanut sanilliullugu procentinngorlugit.
- 2) Nioqqutissanik eqqussuineq niuernermi qanoq aporfiutiginersoq, assersuutigalugu akitsuutitigut, nammineq eqqussassatigut, assartuinermi aningaasartuutitigut inatsisilerinermiluunniit aporfittut.
- 3) Niuerfimmi pineqartumi sunik sullissinissamik isumaqatigiissuteqarnersoq, sullissinissamik isumaqatigiissutit niuerfimmi qanoq pisariaqartinneqartiginersut aamma niuerfimmi eqqaaniittumi, tunisassiassatigut nunallu ilaani, niuerfik sullissinissamut isumaqatigiissutitigut sunnerneqarnersoq ilisimatitsissutigik.
- 4) Kattunnermi peqataasut tunisassianik aamma/imaluunniit sullississutitik qanoq tunisassiarisarneraat/pilersittarneraat, akini qanoq aalajangiisarnersut qanorlu tuniniaasarnersut ilisimatitsissutigik.
- 5) Kattunnermi peqataasut unammillertiminnut anginerlut sanilliullugu suliffeqarfii qanoq annertutigisumik sanileriissillugit assigiit atassuteqarnersut ilisimatitsissutigik.

Nalingi danskit koruuninngorlugit ilisimatitsissutigineqassapput annertussusaalu immikkoortut amerlassusaattut ilisimatitsissutigik. Taamaalilluni niuerfimmi nalinga annertussusaalu imatut ilisimatitsissutigineqartariaqarpoq nunap ilaani pineqartumi tunisassiorneq avammut tuniniaaneq ilanngaatalugulu nioqqutissanillu eqqussuineq ilanngullugu takutinneqassaaq.

### **9. Niuerfinni sunnerneqartuni atugassarititat tamanut tunngasut**

Niuerfiit immikkoortuni 7.1-imi 7.2-milu paasissutissiissutigineqartut immikkut tamarnik pillugit uku paasissutissiissutigineqassapput:

#### *Pisiortornermi pissutsit*

**9.1.** Niuerfiit immikkoortuni 7.1-imi 7.2-milu paasissutissiissutigineqartut ataasiakkaarlugit aamma kattunnermi peqataasut, pilersuisut namminersortut pingasut anginerit (tassa suliffeqarfiit suliffeqarfimmi suliffissuaqarfiup ilaaniinngitsut) kiisalu taakku pisiortorneranni pilersuisut taakku procentinngorlugit qanoq annertutigisumik pisiortorfigineqartarnersut paasissutissiissutigik. Pilersuisuni taakkunani pineqartuni inuit attaveqarfigineqartutut aqqi atorfiilu kiisalu najugaat, oqarasuaatikkut normui e-maililu ilisimatitsissutigikkit.

#### *Neqerooruteqariaaseq*

**9.2** Niuerfimmi neqeroorutigineqarsinnaasut tamarmiusut neqerooruteqarsinnaassuseqarnermi tassani kattunnermi peqataasut neqerooruteqartarnerat procentinngornera ilanngullugu

kattunnermilu peqataasut neqerooruteqarsinnaassuseq qanoq annertutigisumik atorneraat missingerlugit paasissutissiissutigikkit.

**9.3.** Kattunnermi peqataasut tunisassiorfii nunap ilaani sumiinersut paasissutissiissutigik.

**9.4.** Kattunnermi peqataasut arlaat ukiuni pingasuni ukuninnga pilersaaruteqarnersut ilisimatitsissutigik:

- a) Niuerfimmi sunnerneqartumi ataatsimi arlalinniluunniit tunisassianik nutaanik tuniniaasalernissamik pilersaaruteqarnersut.
- b) Tunisassiorsinnaassutsip tuniniaasinnaassutsillu annertusinissaannik annikillisinneqarnissaanniluunniit pilersaaruteqarnersut.
- c) Pilersuisunik atuinissamik pilersaaruteqarnersut.

Taamaattoqarpat kattunnermi peqataasut ukiut pingasut tulliuuttut ingerlaneranni tunisassatut ilimagisaat aamma tuniniaaviup ilaa tigummineqartussatut ilimagineqartoq missingerlugit ilisimatitsissutigineqassapput.

**9.5.** Pissutsit allat neqerooruteqariaatsimut pingaaruteqartut ilisimatitsissutigikkit.

### *Ujartuisarnermi pissutsit*

**9.6.** Niuerfinni immikkoortuni 7.1-imi 7.2-milu paasissutissiissutigineqartuni ataasiakkaani aamma kattunnermi peqataasut, pisisartut namminersortut pingasut anginerit (tassa suliffeqarfiit suliffeqarfimmi suliffissuaqarfiup ilaaniinngitsut) kattunnermi peqataasup tunisassianik taamaattunik pisisartup pisiarisartagaanik tunisartagai tamarmiusut paasissutissiissutigikkit. Pisisartuni taakkunani pineqartuni inuit attaveqarfigineqartutut aqqi atorfiilu kiisalu najugaat, oqarasuaatikkut normui e-maililu ilisimatitsissutigikkit.

**9.7.** Niuerfinni immikkoortuni 7.1-imi aamma 7.2-mi ujartuisarnerup qanoq ittuunera nassuiaruk. Immikkut ilisimatitsissutigikkit:

- a) Niuerfiup ineriartortitsineri killiffia, tassa niuerfik assersuutigalugu aallarnisarneqarnersoq annertusiartornersoq, niuerfiup ineriartortinneqarnera inerissimanersoq niuerfilluunniit kinguariartornersoq kiisalu ujartuinerup ineriartornissaatut ilimagineqartumik missingiineq.
- b) Assersuutigalugu meqqimut aalajangersimasumut aalajaatsuuneq, tunisinnginnermi kingornalu sullissisarneq imaluunniit tunisassianik assigiinngiaartunik tamakkiisunik pilersuineq eqqarsaatigalugu pisisartut piumasaasa pingaaruteqassusiat.
- c) Pitsaassuseq piginnaasaalluunniit allat kiisalu kattunnermi peqataasut tunisassiaasa qanoq annertutigisumik taarserneqarsinnaanerit eqqarsaatigalugit tunisassianik allanngorartitsinerup pingaaruteqassusia.
- d) Pilersuisumik taarsiineri piffissap aningaasartuutillu pisisartumut pingaaruteqassusiat
- e) Pisisartut kikkuuneri, tassa pisisartut tasaanersut suliffeqarfiit angisuut ikittut imaluunniit mikisut amerlasuut, taakkuluunniit akulerunnersut.

- f) Pisisartut immikkoortunut assigiinngitsunut immikkoortinneqarnersut, tassunga ilanngullugu immikkoortuni tamani ”pisisartumik nalinginnaasumik” allaaserinnineq.
- g) Siaruarterinermermi immikkut isumaqatigiissutit isumaqatigiissutillu allat piffissamut sivisuumut atuuttussat pingaaruteqassusiat.

### *Niuerfimmi ingerlatsilersinnaaneq*

Niuerfinni ataasiakkaani immikkoortuni 7.1-imi 7.2-milu paasissutissiissutigineqartuni niuerfimi ingerlatsilersinnaaneq pillugu paasissutissat.

**9.8.** Suliffeqarfiit allat niuerfimmi ukiuni tallimani kingullerni ingerlatsillualersimanersut paasissutissiissutigiuq. Taamaattoqarpat niuernermi nammineq ingerlatsinerup annertussusia taamaaliortoqarsinnaappat kiisalu piffissami suliffeqarfiup niuerfimmeereernerani ineriartornera missingerneqassappat. Suliffeqarfiup aqqa, najugaa, e-mailia, oqarasuaatikkut normua inuillu attavissat aamma ilisimatitsissutigikkitt.

**9.9.** Ukiuni kingullerni tallimani suliffeqarfinnik niuerfimmi ingerlatsisoqarunnaarsimanersoq ilisimatitsissutigiuq. Taamaattoqarpat suliffeqarfiup aqqa, najugaa, e-mailia, oqarasuaatikkut normua inuillu attavissat aamma ilisimatitsissutigikkitt.

**9.10.** Kattunnermi peqataasut arlaat ukiuni kingullerni tallimani niuerfimmi namminneq ingerlatsilersimanersut ilisimatitsissutigiuq. Taamaattoqarpat niuerfimmi ingerlatsilernermermi aporfissat allaaserineqassapput.

**9.11.** Suliffeqarfiit allat sorliit nalunaaruteqartup isumaa malillugu niuerfimmi ingerlatsilersinnaanersut ilisimatitsissutigiuq (tassunga ilanngullugu suliffeqarfiit taamaallaat Kalaallit Nunaata avataani ingerlatsisut). Sooq taamatut ingerlatsisoqalersinnaanera nassuiaruk tamassumalu qaqugu pisinnaanera missingeruk. Aqqa, najugaa, e-mailia, oqarasuaatikkut normua suiffeqarfinnilu taakkunani inuk attaveqarfissaq ilisimatitsissutigikkitt.

**9.12.** Pissutsit assigiinngitsut nunap ilaa tunisassiallu aallaavigalugit niuerfimmi ingerlatsilernissamut pingaaruteqartut ilisimatitsissutigikkitt. Immikkut ilisimatitsissutigikkitt:

- a) Taamatut unammilleqatigiinnermi niuernermi nammineq ingerlatsinissatut ilimagisat missingerlugit unammillerluarsinnaalluni imminut nappassinnaasumik pilersitsinermermi aningaasartuutissatut missingiussat (ilisimatusarneq, tunisassiorneq, siaruarterinermermik pilersitsineq, nittarsaassineq, pilersaarutit, sullissineq il.il.) kiisalu taakkununga piffissap atugassap missingerneru.
- b) Ingerlatsilersinnaanermut aporfiusinnaasut inatsisini aalajangerneqartut killilersorneqartulluunniit, soorlu pisortat akuersinissaannik piumasaqaat malittarisalluunniit.
- c) Ilisimasat, nioqutissianik nutaanik illersuinerup tigussaangitsunillu piginnittuunerit

allat kingunerannik killiliinerit.

- d) Kattunnermi peqataasoq ataaseq arlallilluunniit nioqqutissianik nutaanik illersuinermik, nalunngisanik pisinnaatitaaffinnillu allanik nalunaaruteqarsimasut nalunaarfigineqarsimanersulluunniit.
- e) Niuerfinni sunnerneqartuni tunisassionermi tunisassianillu siaruarterinermi annertuumik ingerlatsinermi iluaqutit pingaaruteqassusiat.
- f) Tunisassiassani, attaveqaatinik pisariaqartunik assigisaannilluunniit pissarsisinnaanerup pingaaruteqassusia.

*Suleqatigiinnissamik isumaqatigiissutit*

**9.13.** Niuerfinni sunnerneqartuni sanileriissillugit assigiit qummullu killileriigaanngitsut qanoq annertutigisunik suleqatigiinnissami isumaqatigiissusiortoqarsimanersoq ilisimatitsissutigiuk.

**9.14.** Suleqatigiinnissamut isumaqatigiissutit niuerfinni sunnerneqartuni isumaqatigiissutit pingaarnerit allaaserikkit, assersuutigalugit ataatsimut tunisassiornissaq pillugu isumaqatigiissutit, akuersissutit pillugit isumaqatigiissutit, immikkuullarissumik ingerlataqarnej, siaruarterineq, piffissami sivisuumi pilersuinissamik isumaqatigiissutit, paasissutissanik paarlaasseqatigiittarneq, ilisimatusarnej ineriartortitsinerlu.

**10. Pisariillisaanermi pissarsiat**

Pisariillisaanermi pissarsiat kattunnermi pilersinneqartussatut ilimagineqartut Unammileqatigiinnermi Siunnersuisoqatigiit kattunnermik nalilersuinermut ilagitillugu isumaliutigissagai nalunaaruteqartup kissaatigippagu, uku ilisimatitsissutigineqassapput:

- a) Kattunnissamik pilersaarutigineqartumi immikkoortoq kattunneqartoq qanoq pisariillisaanermi pissarsisinnaanersoq immikkoortualunngorlugit allaaserinninneq.
- b) Qanoq naatsorsorneqarsimanerannik nassuiaalluni pisariillisaanermi pissarsiat annertussusilerneqarsinnaaneri.
- c) Pissarsiat taakku atuisunit qanoq iluaqutigineqarsinnaatiginersut tamannalu qanoq ilimanartiginersoq.
- d) Illuatungeriit soq kattunnissatut pilersaarutip avataani allatut iliorlutik soq pisariillisaasinnaasimanngitsut.

**11. Joint venture-t eqqarsaatigalugit ataatsimut aaqqiissuteqarnermi pissutsit**

Unammileqatigiinneq pillugu inatsimmi § 19, imm. 3-mi ersippoq joint venturemik pilersitsinermi § 16, imm. 2 malillugu kattunnerusumi suliffeqarfiit unammilleqatigiinneranni suliffeqarfittut suli nammineernissaasa ataatsimut aaqqiissutiginnissaa aamma siunertaasoq taassumaluunniit kingunerissagaa, iliuuseqarnerup akuerineqarsinnaanera paasiniarlugu § 6, imm. 1-imi aamma § 8, imm. 1-imi tunngaviit malillugit ataatsimut aaqqiineq

nalilersorneqassaaq.

Kattunneq unammilleqatigiinneq pillugu inatsimmi § 16, imm. 2 naapertorlugu joint ventureuppat ilisimatitsissutigineqassapput:

- a) Suliffeqarfiit pilersitsisut marluk arlallilluunniit joint venturetut niuerfimmi ataatsimi imaluunniit niuerfimmi eqqaaniittumi tassunga assingusumut tunngatillugu siusinnerusukkut kingusinnerusukkuulluunniit kaaviiartitsinermi ingerlatat niuerfimmi tassani annertunerusumik piginnaassaneraat<sup>4</sup>.

Taamaattoqarpat niuerfiit ataasiakkaat pillugit ilisimatitsissutigineqassapput:

- 1) Suliffeqarfiit pilersitsisut immikkut tamarmik ukiup suliani naatsorsuusiorfimmi kaaviiartitaat.
- 2) Kaaviiartitanut tunngatillugu joint venturep ingerlatsinerata aningaasaqarnermut pingaaruteqassusia.
- 3) Suliffeqarfiit pilersitsisut immikkut tamarmik niuerfimmi ingerlataat.

Taamaattoqanngippat akissut tunngavilersorneqassaaq.

- a) Litra a-mi akissut aappiuppat, joint venturemillu pilersitsineq nalunaaruteqartup naliliinera malillugu suliffeqarfiit nammineertut akornanni ataatsimut aaqquissuusinerat unammilleqatigiinneq pillugu inatsimmi § 6, imm. 1 malillugu unammilleqatigiinnermik killiliinermik kinguneqanngippat akissut tunngavilersorneqassaaq.
- b) Litra a-mi b-milu akissutit apeqqutaatinnagit unammilleqatigiinnermi inatsimmi § 8, imm. 1-imi tunngaviit qanoq atorneqarnermut ilisimatitsissutigineqassaaq. Tamassumunnga tunngaviit tassaapput, iliuseqarnermi
  - 1) nioqqutissanik sullississutinilluunniit pilersitsinermi siaruarterinermiluunniit pisariillisaanermik pitsanngorsaanermut tapersiinersoq imaluunniit tamanna teknikimik aningaasaqarnermilluunniit ineriartortitsinermik siuarsaanersoq,
  - 2) atuisut tamassuma naammaginartumik iluaqutissaat qulakkeerqarnermut,
  - 3) anguniakkat taakku angunissaannut pisariaqanngitsunik suliffeqarfiit killilersorneqarnermut, aamma
  - 4) nioqqutissat sullississutilluunniit pineqartut annertunersaat unammilleqatigiissutigiginissaannik pinngitsoortinnissamut suliffeqarfiit periarfissaarutitinneqarnermut.

### **12. Akitsuutit**

Akitsuutit imm. 12.1 – 12.3 ataaniittut malillugit naatsorsorneqartut, nalunaarutip nassiuunneqarneranut Atuisoqarnermut Unammilleqatigiinnermullu Aqutsisoqarfiup kontuanut akilerneqassapput: reg. Nr.: 6471 konto nr. 1639061

Nalinginnaasumik nalunaaruteqarneq

**12.1.** Akitsuutit naatsorsorneqassapput suliffeqarfiit peqataasut Kalaallit Nunaanni

## Ilanngussaq 1

ukiumoortumik kaaviiartitaasa tamarmiusut 0,015 procentiattut, tak. Imm. 5a qulaaniittoq. Tamassuma kingorna akitsuutit naatsorsorneqartut ilisimatitsissutigikkitt: kr.

**12.2.** Aningaasat imm. 12.1-imi naatsorsorneqartut 1,5 mio. kr.-nit annertuneruppata, akitsuutit taamaallaat 1,5 mio. kr. akilerneqassapput.

Pisariitsumik nalunaaruteqarnermiit nalinginnaasumik nalunaaruteqarnermut

**12.3.** Kattunneq nalinginnaasumik nalunaaruteqarnikkut nalunaarutigineqareerpat akitsuullu 50.000 kr.-iusoq akilerneqareerpat, kisiannili nalinginnaasumik nalunaaruteqarnissaq Atuisoqarnermut Unammilleqatigiinnermullu Aqutsisoqarfiup piumasarisimappagu, nalinginnaasumik nalunaarutip nassiunneranut peqatigitillugu suliffeqarfiit peqataasut Kalaallit Nunaanni ukiumut kaaviiartitaasa tamarmiusut 0,015 procentia akilerneqassaaq, tak. imm. 5a qulaaniittoq, kisianni 50.000 kr. ilanngaatilgalugit, annertunerpaamilli 1,5 mio. kr.

### 13. Ilanngussat

Nalunaaruteqarnermi uku ilanngullugit nassiunneqassapput:

- a) Kattunnermi peqataasut tamarmik immikkut ukiumoortumik naatsorsuutaat aamma ukiumoortumik nalunaarutaat kukkunersiorneqarsimasut kingulliit. Ukiumoortumik naatsorsuutit kingulliit naammassereerneranni suliffeqarfimmik tunisisoqarsimappat pisisoqarsimappalluunniit, tamassumunnga uppersaataat ilanngunneqassaaq.
- b) Kattunnermi peqataasut akornanni isumaqatigiissut, oqartussaalluni soqutigisanik pissarsineq imaluunniit pisortat tigusinissamik neqerooruteqarnerat naapertorlugu tamanna pisimanersoq apeqqutaatinnagu kattunneq pillugu inaarutaasumik uppersaataatit kingulliilluunniit tamarmik assilineri.
- c) Kattunneq pillugu nalilersuinerit, nalunaarusiat, siulersuisunit imaqarniliat uppersaataatillu tamakku assigisaat.
- d) Kattunnermi peqataasunut ataasiakkaanut suliffeqarfissuarmik takussutissiaq.
- e) Nalunaarutip assinga isertuussaangitsoq.
- f) Akitsuutip akilerneqarsimaneranut uppersaataat, tak. imm. 12 (assersuutigalugu Atuisoqarnermut Unammilleqatigiinnermullu Aqutsisoqarfiup kontuanut aningaaserivikkut akiliinerup assilineri).

### 14. Nalunaarut

Nalunaarut atsiorsimasoq immikkoortut 1-12 naapertorlugit paasissutissanut ilanngullugu nassiunneqassaaq, tassani nalunaaruteqartoq nalunaassaaq:

– nalunaarummi paasissutissat eqqortuusut,

## **Ilanngussaq 1**

– uppersaartit ilanngussaq 1-imi piumasarineqartut assilineri tamakkiisut ilanngunneqartut, kiisalu

– oqaaseqaatit tamarmik tutsuiginnilluni oqaaseqaatigineqartut. Nalunaarut suliffeqarfimmit peqataasumit allaanerusumit nalunaarutigineqarpat, paasissutissat il.il. suliffeqarfiit peqataasut tamaasa sinnerlugit paasissutissiissutigineqarneri atsiortup akisussaaffigissavaa. Ataani atsiortoq suliffeqarfiillu nalunaaruteqartut tamarmik unammilleqatigiinneq pillugu Inatsisartut inatsisaanni nr. 1, 15. maj 2014-meersumi §§ 37-imi aamma 38-mi pillaasarnerit pillugit aalajangersakkat ilisimavaat.

**Sumiiffik ullorlu**

**Sumiiffik ullorlu**

**Sumiiffik ullorlu**

---

**Atsiorneq**

**Atsiorneq**

**Atsiorneq**